

TECENDO DEREITOS

BASES DA CONVOCATORIA 1

PARA FINANCIAMENTO DE ACTIVIDADES DE DEFENSA, PROTECCIÓN E
PROMOCIÓN DE DEREITOS A ORGANIZACIÓNS DA SOCIEDADE CIVIL

OBXECTIVO DA CONVOCATORIA	2
DOTACIÓN ORZAMENTARIA DA CONVOCATORIA	2
QUEN PODE PARTICIPAR	2
MODALIDADES DE PRESENTACIÓN	3
REQUISITOS PARA SOLICITAR FINANCIAMENTO	3
PRAZO PARA PRESENTARSE Á CONVOCATORIA	4
DURACIÓN DOS PROXECTOS.....	4
NÚMERO DE PROXECTOS QUE SE PODE PRESENTAR	4
PRIORIDADES TEMÁTICAS DA CONVOCATORIA.....	4
QUE TIPO DE ACTIVIDADES SE PODEN FINANCIAR	6
QUE GASTOS SE PODEN FINANCIAR	7
COMO SOLICITAR O FINANCIAMENTO	7
COMO SE VAN AVALIAR OS PROXECTOS	10
QUEN AVALIARÁ OS PROXECTOS	11
DEFINICIÓN DO IMPORTE DE FINANCIAMENTO QUE SE OUTORGARÁ.....	12
COMO SE VAN SELECCIONAR OS PROXECTOS.....	12
COMUNICACIÓN, ACEPTACIÓN E PAGAMENTO DO FINANCIAMENTO	13
COMPROMISOS E OBRIGAS DAS PARTES.....	13
CALENDARIO E DATAS CLAVE DO PROCESO DE FINANCIAMENTO.....	15
MÁIS INFORMACIÓN SOBRE ESTA CONVOCATORIA	16
PRÓXIMAS CONVOCATORIAS.....	16
CONTACTO.....	17

OBXECTIVO DA CONVOCATORIA

O propósito xeral desta convocatoria é financiar iniciativas desenvolvidas por organizacións da sociedade civil que contribúan a promover os dereitos humanos, a liberdade, a solidariedade, a igualdade, a xustiza —incluída a xustiza de xénero—, a dignidade humana e outros dereitos da Carta de Dereitos Fundamentais da UE.

Especificamente, financiaranse proxectos que contribúan á defensa, a protección e a promoción de dereitos en relación coas seguintes axendas temáticas:

- **Dereito aos coidados**
- **Dereito á mobilidade humana**
- **Dereito á xustiza climática**

Priorizaranse os proxectos que traballen dende unha lóxica interseccional con colectivos especialmente afectados polas desigualdades e a discriminación, como mulleres, persoas mozas, persoas migrantes e outros colectivos como persoas LGTBIQ+, persoas con diversidade funcional, minorías etc.

DOTACIÓN ORZAMENTARIA DA CONVOCATORIA

Esta convocatoria está dotada cun total de **554 573 €** distribuídos en 3 fondos por tramos de importe mínimo e máximo para financiar cada proxecto:

Fondo 1: o 50 % do total da convocatoria (277 287 €) destinarase a financiar proxectos por un importe de **entre 1000 € e 15 000 €**.

Fondo 2: o 30 % do total da convocatoria (166 372 €) destinarase a financiar proxectos por un importe de **entre 15 001 € e 30 000 €**.

Fondo 3: o 20 % do total da convocatoria (110 914 €) destinarase a financiar proxectos por un importe de **entre 30 001 € e 60 000 €**.

Oxfam Intermón resérvase o dereito a axustar os importes destinados a cada fondo en función da cantidade e a calidade dos proxectos recibidos e os importes solicitados.

QUEN PODE PARTICIPAR

Organizacións da sociedade civil establecidas que realicen a súa acción no territorio español, sen ánimo de lucro, non partidistas e que respecten os dereitos fundamentais e os valores da Unión Europea. Poden participar tanto organizacións constituídas formalmente (con rexistro) como non formalizadas (sen rexistro).

A convocatoria pon especial énfase en **organizacións pequenas e de base, así como en movementos sociais**, ben do ámbito rural, ben do urbano.

MODALIDADES DE PRESENTACIÓN

As organizacións poderán presentarse a esta convocatoria en dúas modalidades diferenciadas:

- **Modalidade Organización individual:**

Para organizacións da sociedade civil sen ánimo de lucro rexistradas en España baixo unha das diversas formas xurídicas existentes.

- **Modalidade Organizacións irmandadas:**

Para movementos sociais e colectivos, así como organizacións non formalmente constituídas (sen rexistro) que desenvolvan as súas actividades en territorio español. Presentaranse xunto a unha organización rexistrada, que será quen presente a solicitude de financiamento e, en caso de que o proxecto sexa aprobado, será a organización que asinará o acordo de financiamento con Oxfam Intermón e deberá asegurar o cumprimento do devandito acordo.

REQUISITOS PARA SOLICITAR FINANCIAMENTO

As organizacións que presenten unha solicitude de financiamento, en calquera das dúas modalidades, deberán cumprir os seguintes requisitos no momento de presentar a súa solicitude:

- Estar aliñadas cos valores da Unión Europea¹
- Estar constituídas formalmente como organizacións sen ánimo de lucro baixo as diversas modalidades existentes no marco legal español (asociación, fundación, cooperativa sen ánimo de lucro etc.)
- Promover a igualdade de xénero
- Desenvolver as súas actividades no territorio español
- Ter como mínimo 1 ano de existencia
- Estar ao corrente das obrigas tributarias e aquelas relacionadas coa Seguridade Social

As organizacións que solicitan o financiamento deberán achegar, amais do formulario de solicitude, a documentación que acredite o cumprimento destes requisitos.

Especificamente, **os documentos acreditativos que se deberán anexar** son os seguintes:

- Documento que acredite a inscrición da organización no rexistro correspondente
- Estatutos da organización (debidamente legalizados)
- Certificación da persoa representante legal da organización
- Balance económico anual do último exercicio

¹ Os valores da UE son aqueles que figuran no artigo 2 do Tratado da Unión Europea (que se fornece aquí transcrito en galego con fins informativos): «A Unión fundaméntase nos valores de respecto da dignidade humana, liberdade, democracia, igualdade, Estado de Dereito e respecto dos dereitos humanos, incluídos os dereitos das persoas pertencentes a minorías. Estes valores son comúns aos Estados membro nunha sociedade caracterizada polo pluralismo, a non discriminación, a tolerancia, a xustiza, a solidariedade e a igualdade entre mulleres e homes».

- Última memoria de actividades da organización (opcional, se a houber)
- Declaración responsable de estar ao corrente de pagamento das obrigas tributarias e aquelas relacionadas coa Seguridade Social
- Outra documentación relevante de xestión da organización (opcional para o Fondo 1 e 2; obrigatorio para o Fondo 3)

PRAZO PARA PRESENTARSE Á CONVOCATORIA

Se a túa organización está interesada en participar nesta convocatoria, debes cubrir o formulario de solicitude antes do vindeiro **31 de outubro ás 23:59 h.**

DURACIÓN DOS PROXECTOS

Os proxectos terán unha duración mínima de 6 meses e unha duración máxima de 12 meses comprendida entre o 1 de xaneiro e o 31 de decembro de 2024.

NÚMERO DE PROXECTOS QUE SE PODE PRESENTAR

Co fin de fomentar o acceso ao financiamento ao maior número posible de organizacións da sociedade civil, só se financiará UN proxecto por organización. Por iso, as organizacións só poderán presentar un único proxecto.

PRIORIDADES TEMÁTICAS DA CONVOCATORIA

Terán prioridade os proxectos que contribúan a unha ou varias das seguintes prioridades de cada unha das axendas temáticas que inclúe esta convocatoria:

En **Dereito aos coidados**, priorizaranse os proxectos que realicen as seguintes contribucións:

- Avanzar na mellora do marco normativo, de políticas ou da súa aplicación para fomentar a autonomía e a atención á dependencia, que garanta os dereitos das persoas en situación de dependencia ou con diversidade funcional.
- Promover o Dereito aos coidados na sociedade, nos eidos público e político, incorporando a loita contra a desigualdade de xénero e as violencias contra as mulleres no ámbito dos coidados.
- Defender, protexer e promover os dereitos humanos das mulleres traballadoras do lar e os coidados, con especial atención aos dereitos laborais, incluíndo o apoio a iniciativas que fomentan condicións de traballo digno para traballadoras e traballadores do lar e os coidados.
- Avanzar na mellora do marco normativo existente que regula os dereitos dos colectivos que contribúen ao sistema de coidados, especialmente aqueles colectivos que afrontan maiores desigualdades.

- Avanzar na mellora do marco normativo para facilitar as conciliacións, un maior equilibrio nos usos do tempo e unha mellor xestión dos coidados no eido laboral e promover iniciativas que favorecen a xestión colaborativa ou comunitaria dos coidados.
- Outros obxectivos que promovan o Dereito aos coidados.

En **Dereito á mobilidade humana**, priorizaranse os proxectos que realicen as seguintes contribucións:

- A identificación e a denuncia de vulneracións de dereitos das persoas migrantes e refuxiadas e a formulación de propostas de mellora sobre o marco normativo e a súa aplicación.
- O fortalecemento do diálogo dos movementos sociais con responsables políticos e institucionais e a sensibilización da cidadanía e de axentes clave para favorecer a mobilización social en favor dos dereitos das persoas migrantes e refuxiadas.
- O impulso de narrativas transformadoras para facer fronte ao auxe de discursos contrarios aos dereitos para as persoas migrantes e refuxiadas, especialmente aqueles que se difunden mediante Internet e outros medios dixitais e favorecen a desinformación e a propagación de boatos e loidas.
- A promoción do traballo en rede e a conexión de iniciativas de apoio mutuo nas que o obxectivo sexa a defensa dos dereitos humanos poñendo énfase na vida das persoas migrantes e refuxiadas.
- O acceso gratuito de persoas migrantes e refuxiadas á atención xurídica, psicosocial, laboral ou doutra índole que contribúa á defensa e a protección efectiva dos seus dereitos.
- Outros obxectivos que promovan o Dereito á mobilidade humana e, en especial, aqueles que loiten contra todas as formas de violencias contra as mulleres e cativas migrantes e refuxiadas.

En **Dereito á xustiza climática**, priorizaranse os proxectos que realicen as seguintes contribucións:

- A creación de procesos e espazos que permitan asegurar a participación informada e de calidade das comunidades/persoas afectadas pola posta en marcha de procesos de transición enerxética como é o caso, por exemplo, da despregadura de enerxías renovables nos territorios.
- A promoción de espazos de articulación e diálogo entre os diferentes actores que se ven implicados nas políticas de transición ou en accións que prioricen o liderado local, a inclusión e a igualdade de xénero.

- A sensibilización ou mobilización cidadá, ou a incidencia política sobre a xustiza climática (incluído o activismo xuvenil).
- A reflexión e a construción de modelos alternativos aos que transitar, baseados en narrativas ecofeministas cunha participación ampla e diversa de actores e disciplinas (conectando investigación académica, movemento climático e axentes culturais, intelectuais e artistas, entre outros axentes de cambio e transformación).
- A recollida de evidencias e a elaboración de propostas de políticas públicas para protexer e promover os dereitos de colectivos ou persoas ou territorios en situación de vulneración de dereitos en relación co cambio climático e a transición enerxética en España, e que teñan como obxectivo a incidencia, o diálogo político ou a sensibilización-mobilización social, tanto no ámbito virtual como no físico.
- Outros obxectivos que fomenten o Dereito á xustiza climática con enfoque de xénero.

QUE TIPO DE ACTIVIDADES SE PODEN FINANCIAR

- **Actividades de incidencia política** dirixidas a influír en políticas públicas e nos procesos de toma de decisións, incluídas a revisión, a actualización ou a adopción de políticas públicas e lexislación.
- **Accións de investigación ou análise** para contribuír á formulación de políticas públicas a varios niveis (europeo, estatal, autonómico ou local).
- **Actividades de sensibilización e difusión dos dereitos e valores** recollidos nos Tratados da UE e da Carta de Dereitos Fundamentais da UE entre o público xeral e actores clave (responsables en materia política, lexislativa ou xudicial, por exemplo) e actividades de comunicación e información pública mediante redes sociais.
- **Realización de actividades de asesoramento, vixilancia ou seguimento de políticas** da UE e dos dereitos e valores no marco dos Tratados da UE e a Carta de Dereitos Fundamentais da UE.
- **Organización de plataformas e diálogos cívicos** relacionados cos dereitos e os valores da UE.
- **Formación de coalicións e asociacións** entre organizacións da sociedade civil ou accións de coordinación e cooperación estratéxica entre organizacións da sociedade civil e outros axentes clave ou actores públicos ou privados.
- **Accións de fortalecemento da aplicación de leis** e regulamentos en vigor e da xurisprudencia.
- **Actividades de atención directa a colectivos e persoas** en situación de vulneración de dereitos.
- **Actividades formativas, de sensibilización** ou de intercambio e aprendizaxe mutua sobre **litixio estratéxico**.

QUE GASTOS SE PODEN FINANCIAR

Os conceptos de gasto que se poden financiar (gastos elixibles) son:

- ✓ **Gastos de persoal contratado** (nóminas, incluíndo a achega á Seguridade Social da persoa traballadora, así como da empresa, e o IRPF).
- ✓ **Gastos de alugueres** para realizar as actividades.
- ✓ **Gastos de desprazamento, aloxamento e manutención** precisos para realizar as actividades.
- ✓ **Gastos de material funxible**, como, por exemplo, gastos de fotocopias, material de oficina, material para obradoiros e mais eventos etc.
- ✓ **Gastos de compra de equipos**. En caso de precisar mercar equipos informáticos ou outro tipo de equipamento, cómpre explicar a súa necesidade para a implementación do proxecto. Inclúense os gastos de aluguer de equipos.
- ✓ **Gastos de contratación de servizos externos**, como, por exemplo, gastos de edición, maquetación ou tradución de informes, gastos de servizos de consultoría, servizos de *catering* para eventos etc.
- ✓ **Outros gastos precisos** para realizar a actividade.

Os conceptos que non se poden financiar (gastos non elixibles) son:

- ✗ Gastos non relacionados directamente co proxecto.
- ✗ Gastos declarados e financiados noutras subvencións.
- ✗ Impostos, no caso de que a organización os deducise ou reembolsase con anterioridade (IVE).
- ✗ Xuros debidos, débedas e outros cargos relacionados coa débeda, provisións de gastos etc.
- ✗ Gastos excesivos ou superfluos. Considérase excesivo o gasto que supera en gran medida a contía precisa para acadar o obxectivo proposto. Considérase superfluo un gasto que non é preciso para acadar o obxectivo proposto.
- ✗ Outros gastos que poidan resultar non elixibles consonte a normativa da Unión Europea.

COMO SOLICITAR O FINANCIAMENTO

Para realizar a solicitude de financiamento para un proxecto, debes seguir **4 pasos**:

PASO 1. Identifica en que modalidade te vas presentar.

Se es unha organización rexistrada, podes presentarte na modalidade de «Organización individual». Se es un movemento social, un colectivo ou unha

organización non rexistrada, deberás presentarte na modalidade de «Organizacións irmandadas», canda unha organización rexistrada, que é a que presentará a solicitude.

Unha vez que identifiques a modalidade, podes acceder ao proceso de solicitude premendo en «[Solicitar financiamento como Organización individual](#)» ou «[Solicitar financiamento como Organizacións irmandadas](#)».

PASO 2. Comproba que Fondo (1, 2 ou 3) se aplica á túa organización para saber que importe mínimo e máximo podes solicitar.

Despois de accederes ao proceso de solicitude por medio dunha das dúas modalidades dispoñibles, despregarase un cuestionario onde poderás revisar o cumprimento dos requisitos por parte da túa organización (ver MODALIDADES DE PRESENTACIÓN

As organizacións poderán presentarse a esta convocatoria en dúas modalidades diferenciadas:

- **Modalidade Organización individual:**

Para organizacións da sociedade civil sen ánimo de lucro rexistradas en España baixo unha das diversas formas xurídicas existentes.

- **Modalidade Organizacións irmandadas:**

Para movementos sociais e colectivos, así como organizacións non formalmente constituídas (sen rexistro) que desenvolvan as súas actividades en territorio español. Presentaranse xunto a unha organización rexistrada, que será quen presente a solicitude de financiamento e, en caso de que o proxecto sexa aprobado, será a organización que asinará o acordo de financiamento con Oxfam Intermón e deberá asegurar o cumprimento do devandito acordo.

REQUISITOS PARA SOLICITAR FINANCIAMENTO), ademais de comprobar que Fondo poderá solicitar a túa organización. Poderás realizar este cuestionario as veces que queiras; só se rexistrarán as túas respostas de premeres en «[Solicitar financiamento](#)» e rexistráreste para solicitar o financiamento (ver PASO 3 a continuación).

Só poderás solicitar financiamento no Fondo asignado á túa organización consonte os requisitos que se mostran a continuación. No caso de que te presentes na modalidade de «Organizacións irmandadas», os requisitos de asignación do Fondo só se aplicarán á organización rexistrada.

Os requisitos para acceder a cada fondo son:

Requisitos para o Fondo 1 para financiar proxectos de entre 1000 € e 15 000 €

- A organización deberá dispoñer duns **ingresos anuais inferiores a 70 000 €** no último exercicio.

Requisitos para o Fondo 2 para financiar proxectos de entre 15 001 € e 30 000 €

- A organización deberá dispoñer duns ingresos anuais de **entre 70 001 € e 150 000 €** no último exercicio.

Requisitos para o Fondo 3 para financiar proxectos de entre 30 001 € e 60 000 €

- A organización deberá dispoñer duns **ingresos anuais de entre 150 001 € e 900 000 €** no último exercicio.
- A organización deberá contar con documentos de xestión interna (código de conduta, plan de igualdade, plan de calidade etc.).

PASO 3. Rexístrate para poder acceder ao formulario de solicitude correspondente ao Fondo asignado á túa organización.

Unha vez comprobados os requisitos deberás rexistrarte para poder obter os datos que che permitirán acceder a unha zona privada onde poderás cubrir o formulario en liña.

PASO 4. Cubre o formulario e anexa os documentos acreditativos dos requisitos.

En función do Fondo para o que te vaias presentar, abriráseche o formulario de solicitude de financiamento correspondente. Podes descargar en PDF as preguntas do formulario para poder preparar a solicitude coa túa organización (dispoñible en [ES](#), [CA](#), [EU](#), [GL](#)), mais **só poderás presentar a solicitude de financiamento mediante o formulario en liña²** habilitado na túa zona privada da web TECENDO DEREITOS.

Non tes que cubrir o formulario de vez. Podes cubrir o formulario por partes e gardalo para poder seguir outro día con outras seccións. Tamén podes facer as correccións que precisas no formulario dende a túa zona privada da web de TECENDO DEREITOS, á que poderás acceder co teu nome de usuario e chave de acceso.

Cando remates de encher o formulario e anexar a documentación (ver documentos que debes incluír en [REQUISITOS PARA SOLICITAR FINANCIAMENTO](#)) e queiras presentalo para solicitar financiamento, deberás premer no botón «[Enviar a solicitude de financiamento](#)».

Unha vez presentado, recibirás un correo electrónico de confirmación do envío ao enderezo de correo que nos facilitaches ao finalizar o rexistro do paso 3. Despois de enviases a solicitude, poderás consultar o formulario presentado, así como o estado da túa solicitude dende a túa zona privada.

Lembra que o **prazo para presentar a solicitude de financiamento remata o 31 de outubro ás 23:59 h.** A partir dese momento, o formulario de solicitude deixará de estar dispoñible.

² Por motivos de eficiencia, o formulario en liña estará dispoñible unicamente na súa versión en castelán. Porén, as propostas poderán formularse en calquera lingua cooficial.

Recomendámosche que non agardes ata o último momento para presentar a solicitude!

Non se aceptarán solicitudes presentadas fóra de prazo nin presentadas por outros medios (como o correo electrónico). Se tes dificultades para cubrir o formulario en liña ou tes dúbidas sobre a convocatoria ou as bases, podes poñerte en contacto connosco en financiacion.tejiendoderechos@oxfamintermon.org e ofrecerémosche o noso apoio.

COMO SE VAN AVALIAR OS PROXECTOS

Os proxectos avaliaranse atendendo a 3 criterios, de acordo cos cales cada proxecto poderá obter unha puntuación máxima de 100 puntos:

- 1) Relevancia (40 puntos)
- 2) Calidade e coherencia (40 puntos)
- 3) Impacto (20 puntos)

Para poder aspirar a financiamento, o proxecto deberá obter **un mínimo de 70 puntos** sobre 100. A continuación, detállanse os elementos que se van valorar dentro de cada criterio e a puntuación máxima que se pode obter para cada un deles.

Criterio de relevancia:

A máxima puntuación para este criterio é de **40 puntos** sobre 100. Para poder aspirar a financiamento, os proxectos deberán obter un mínimo de 25 puntos para este criterio.

Aliñamento do proxecto coas prioridades temáticas das 3 axendas de dereitos da convocatoria.	10 puntos
Identificación do contexto no que se desenvolverá o proxecto e a relevancia da problemática social que aborda o proxecto á luz do contexto.	10 puntos
Descrición e coñecemento do colectivo ou as persoas a quen se dirixe o proxecto e da situación de vulneración de dereitos que sofren. Valorarase que o proxecto traballe con colectivos especialmente afectados polas desigualdades e a discriminación, como mulleres, persoas mozas, persoas LGTBIQA+, persoas con diversidade funcional, minorías etc. Valoraranse positivamente as organizacións lideradas polos colectivos aos que se dirixe o proxecto.	10 puntos
Experiencia da organización na problemática social e a situación de vulneración de dereitos dos colectivos e as persoas no ámbito de actuación do proxecto.	10 puntos

Criterio de calidade e coherencia:

A máxima puntuación para este criterio é de **40 puntos** sobre 100.

Claridade da lóxica do proxecto e identificación clara dos obxectivos, actividades e resultados previstos. Valorarase positivamente que o proxecto incorpore o enfoque de xustiza de xénero dende unha perspectiva interseccional.	15 puntos
Estratexia sólida e viable para levar a cabo as actividades previstas polo proxecto no período de execución previsto.	10 puntos
Orzamento axeitado e xestión eficiente dos recursos para a implementación do proxecto.	5 puntos
Descrición clara e concisa de fontes de verificación que permitan medir o progreso e os resultados obtidos polo proxecto.	10 puntos

Criterio de impacto:

A máxima puntuación para este criterio é de **20 puntos** sobre 100.

Enfoque participativo e inclusivo para involucrar actores clave e os colectivos e persoas en situación de vulneración de dereitos para que poidan reclamar e defender os seus dereitos.	10 puntos
Potencial do proxecto para xerar un impacto positivo e sostible alén do alcance directo e inmediato das accións emprendidas.	5 puntos
Incorporación de formas e enfoques innovadores na implementación do proxecto.	5 puntos

QUEN AVALIARÁ OS PROXECTOS

As propostas de proxecto recibidas serán avaliadas de xeito paralelo e independente polo equipo de TECENDO DEREITOS e por un equipo alleo a Oxfam Intermón utilizando os criterios descritos no apartado anterior.

O equipo externo estará formado por persoas coñecedoras das axendas de defensa de dereitos desta convocatoria e do tecido asociativo vencellado ao traballo nelas. A súa participación na avaliación de proxectos asegurará que o proceso conte cunha maior calidade, obxectividade e fiabilidade.

Garantirase, en todo o proceso de avaliación, que non haxa conflito de interese de ningunha das persoas que participen na valoración dos proxectos, ben sexan do equipo de TECENDO DEREITOS, ben sexan do equipo externo de avaliación.

DEFINICIÓN DO IMPORTE DE FINANCIAMENTO QUE SE OUTORGARÁ

Durante o proceso de valoración das propostas de proxecto, analizarase e avaliarase a coherencia do orzamento presentado en relación coa proposta técnica e a elixibilidade dos gastos incluídos no devandito orzamento. Esta análise ten o dobre obxectivo de, por unha banda, valorar se o orzamento é axeitado e eficiente no uso dos recursos para a implementación (ver **COMO SE VAN AVALIAR OS PROXECTOS**) e, por outra banda, establecer o importe exacto que se financiará no caso de que o proxecto sexa seleccionado.

Para valorar se o orzamento é axeitado e mais eficiente no uso dos recursos para a implementación, valorarase que:

- a estrutura do orzamento sexa axeitada e acorde coas actividades e o obxectivo do proxecto; os gastos estean suficientemente detallados para realizar a devandita valoración;
- os gastos sexan razoables e xustificados para a realización do proxecto; e
- os gastos estean incluídos dentro do período de execución do proxecto.

Para establecer o importe exacto que se financiará, no caso de que o proxecto sexa seleccionado, realizaranse as seguintes comprobacións e, se corresponde, aplicaranse os axustes pertinentes no orzamento que se financiará:

- Eliminaranse os gastos erroneamente duplicados, se os houber.
- Eliminaranse os gastos superfluos ou non precisos para a execución do proxecto, se os houber.
- Se houber conceptos de gasto sobreestimados ou subestimados en relación co prezo habitual no mercado, propoñerase corrección ou axuste.

En caso de necesidade de axuste do orzamento para financiar con respecto ao importe solicitado pola organización ou en caso de necesidade de aclaracións, Oxfam Intermón poñerase en contacto coa organización durante o proceso de valoración.

COMO SE VAN SELECCIONAR OS PROXECTOS

Os proxectos que obteñan no proceso de avaliación unha puntuación inferior a 70 puntos non serán considerados para poder financiarse. A listaxe final de proxectos que se financiarán elaboraranse a partir da listaxe de proxectos con 70 puntos ou máis.

En primeiro lugar, a selección farase atendendo á puntuación obtida e os fondos dispoñibles para cada tramo de financiamento (ver **DOTACIÓN ORZAMENTARIA DA CONVOCATORIA**), os cales serán asignados por orde de puntuación de maior a menor.

Financiarase o 100 % do importe aprobado para financiar (ver **DEFINICIÓN DO IMPORTE DE FINANCIAMENTO QUE SE OUTORGARÁ**) para cada proxecto que se seleccione, e non se requirirá cofinanciamento.

En segundo lugar, tras aplicar a selección segundo os criterios anteriormente expostos de relevancia, calidade e impacto, aplicarase un criterio complementario de axuste na selección co fin de que haxa unha presenza equilibrada de proxectos financiados que

traballen nas 3 axendas de dereitos desta convocatoria, así como de asegurar o equilibrio e a diversidade territorial.

Por último, Oxfam Intermón resérvase o dereito a non adxudicar todos os fondos dispoñibles nesta convocatoria, en función da valoración das propostas recibidas. Se este for o caso, o importe non adxudicado será integrado nas seguintes convocatorias de TECENDO DEREITOS.

COMUNICACIÓN, ACEPTACIÓN E PAGAMENTO DO FINANCIAMENTO

Entre finais de novembro e principios de decembro de 2023 comunicarase ás organizacións se o seu proxecto foi seleccionado e o importe exacto do financiamento obtido.

As organizacións cuxo proxecto sexa seleccionado deberán comunicar por escrito a Oxfam Intermón a aceptación do financiamento, e a partir desta aceptación procederase a asinar un Acordo entre a organización seleccionada e Oxfam Intermón.

COMPROMISOS E OBRIGAS DAS PARTES

As organizacións cuxos proxectos sexan financiados nesta Convocatoria e Oxfam Intermón establecerán un marco de colaboración baseado na confianza e o respecto mutuo e rexido dende un enfoque de horizontalidade nas relacións.

Este marco de colaboración materializarase na **sinatura dun Acordo** no que se detallarán, entre outros aspectos, os compromisos e as obrigas que asumen ambas as partes. A continuación, descríbense os compromisos máis relevantes:

Oxfam Intermón asumirá, entre outros, os seguintes compromisos e obrigas:

- **Financiar o 100 % do orzamento aprobado** dos proxectos que sexan seleccionados no marco desta convocatoria e nos termos que recolla o acordo de colaboración que se asine de común acordo entre ambas as partes.
- Adiantarlles **un pagamento inicial ás organizacións antes do inicio do proxecto**, segundo o establecido de común acordo entre as partes, sendo en todo caso por un importe de entre un 50 % e un 90 % do importe total financiado.
- **Realizar un seguimento coa organización da implementación do proxecto financiado**, ben sexa de forma virtual, ben presencial, dende un enfoque de horizontalidade e confianza mutua e potenciando a aprendizaxe para a mellora continua. O seguimento poderá incluír, segundo proceda, tanto aspectos técnicos de implementación do proxecto como aspectos de xestión deste.
- **Asegurar a protección de datos persoais** das organizacións financiadas e das persoas participantes nos proxectos implementados, así como **protexer a confidencialidade dos datos ou do material**, en calquera forma, que sexa identificado como «información sensible» polas partes.
- **Ofrecer un itinerario de acompañamento individualizado para a aprendizaxe colectiva**, segundo sexa definido de mutuo acordo con cada organización partindo

da realización dun autodiagnóstico de capacidades, e co fin de maximizar o impacto do proxecto financiado. O itinerario de acompañamento complementará o seguimento da implementación dos proxectos.

- **Informar sobre as actividades e mais eventos de aprendizaxe colectiva e traballo en rede que se realicen no marco de TECENDO DEREITOS** que poidan ser de interese para a organización, así como promover a súa participación nos devanditos espazos.
- **Comunicar, no marco de TECENDO DEREITOS, os proxectos financiados e as accións e os resultados obtidos pola organización na implementación do proxecto financiado** e, cando sexa acordado, proporcionarlle apoio e asesoramento á organización en aspectos comunicativos deste.

As organizacións cuxo proxecto sexa financiado deberán asumir, entre outros, os seguintes compromisos e obrigas:

- Levar a cabo o proxecto garantindo en todo momento o **respecto dos valores da Unión Europea**.
- **Informar a Oxfam Intermón sobre a evolución do proxecto e facilitar as visitas de seguimento de Oxfam Intermón** ao proxecto, así como participar nelas. Especialmente, informar sobre calquera evento ou circunstancia que impacte na realización do proxecto.
- **Facilitar, durante a acción ou tras a súa realización, calquera información requirida por Oxfam Intermón ou a UE** co obxecto de verificar a implementación do proxecto e o cumprimento das obrigas no marco do Acordo de financiamento. En concreto, **achegar a documentación e os recursos de información necesarios** sobre a realización das actividades previstas e a consecución de resultados, así como **entregar un informe final de execución do proxecto como máximo 1 mes despois da finalización**. O informe final será en formato narrativo sobre a realización do proxecto e a consecución de resultados, e achegaranse os documentos de fontes de verificación correspondentes.
- **Gardar e custodiar a documentación relativa a facturas, pagamentos, nóminas e relacionada con outros gastos (Seguridade Social, IRPF, IVE etc.) durante cando menos 5 anos**, que se contarán dende a finalización do proxecto, consonte a lexislación vixente. Igualmente, os gastos do proxecto deben quedar reflectidos na contabilidade da entidade. No caso de que unha organización non estea capacitada para garantir esta custodia de 5 anos, poderá remitir a devandita documentación a Oxfam Intermón, que será quen garantirá a custodia.
- **Evitar calquera conflito de interese na selección das persoas participantes do proxecto financiado**, así como cumprir a lexislación en materia de protección de datos.
- **Participar nas actividades e os procesos do itinerario de acompañamento individualizado** co fin de maximizar o impacto do proxecto financiado, segundo acordo entre Oxfam Intermón e a organización.

- **Asegurar a visibilidade da Unión Europea nas accións** financiadas, comprometéndose a incluír nas accións de comunicación das actividades realizadas ou dos resultados obtidos, así como nos equipos adquiridos grazas ao financiamento, o emblema e a bandeira da Unión Europea, a carón dos cales se ha de indicar a orixe do financiamento e a exención de responsabilidade (*disclaimer*), como se expón a continuación:



Esta actividade está financiada no marco de TECENDO DEREITOS (WakeUpRights), proxecto cofinanciado pola **Unión Europea (UE)** e **Oxfam Intermón** centrado en apoiar as organizacións sociais que defenden e promoven os valores da UE e os dereitos humanos recollidos na Carta dos Dereitos Fundamentais da UE.

As opinións e os puntos de vista expresados só comprometen aos seus autores e non reflicten necesariamente os da Unión Europea ou os do Programa Cidadanía, Igualdade, Dereitos e Valores (CERV). Nin a Unión Europea nin o CERV poden ser considerados responsables deles. Do mesmo xeito, tampouco reflicten necesariamente os de Oxfam Intermón.

Oxfam Intermón facilitaralle apoio á organización para resolver dúbidas sobre a correcta aplicación da visibilidade da UE.

CALENDARIO E DATAS CLAVE DO PROCESO DE FINANCIAMENTO

A continuación, preséntase un resumo das datas clave do proceso en relación co financiamento de actividades a organizacións, que debes ter en conta:

Datas clave	Proceso
1 de setembro de 2023	Apertura da convocatoria.
31 de outubro de 2023	Peche da convocatoria e fin da recepción de solicitudes. O prazo expira o 31 de outubro ás 23:59 h.
Finais de novembro/comezos de decembro de 2023	Comunicación ás organizacións sobre os resultados da selección de proxectos e aceptación do financiamento por parte das organizacións cuxo proxecto foi seleccionado.
Comezos/mediados de decembro de 2023	Elaboración e sinatura dos Acordos de financiamento entre as organizacións financiadas e Oxfam Intermón.
Finais de decembro de 2023	Primeiro pagamento do financiamento dos proxectos ás organizacións.
1 de xaneiro de 2024	Data dende a cal poden iniciarse os proxectos financiados.
Xaneiro (data por concretar)	Reunión informativa de Oxfam Intermón de posta en marcha dos proxectos coas organizacións financiadas.

Datas clave	Proceso
Entre xaneiro e marzo de 2024	Realización de autodiagnóstico de capacidades co apoio de Oxfam Intermón e acordo sobre o obxectivo e as actividades para o itinerario de acompañamento.
Entre o 1 de xaneiro e o 31 de decembro de 2024	Realización de actividades de seguimento do proxecto por parte de Oxfam Intermón, en formato virtual ou presencial, segundo acordo. Despregadura e realización das actividades definidas no itinerario de acompañamento, segundo acordo.
31 de decembro de 2024	Data límite de finalización dos proxectos financiados.
31 de xaneiro de 2025	Data límite de entrega do informe final en formato narrativo no que se acheguen as fontes de verificación que demostren que as actividades se levaron a cabo. No caso de proxectos que finalizasen antes do 31 de decembro de 2024, o informe deberase entregar un mes despois da finalización do proxecto.

MÁIS INFORMACIÓN SOBRE ESTA CONVOCATORIA

Esta convocatoria enmárcase no programa «Cidadanía, Igualdade, Dereitos e Valores» (CERV), posto en marcha pola Unión Europea. O obxectivo do programa CERV é soste e desenvolver sociedades abertas, baseadas en dereitos, democráticas, igualitarias e inclusivas, fundamentadas no Estado de dereito. Isto inclúe unha sociedade civil dinámica e empoderada que fomente a participación democrática, cívica e social das persoas e cultive a rica diversidade da sociedade europea apoiándose nos nosos valores comúns, a nosa historia e a nosa memoria.

Se queres saber máis sobre o Programa CERV da Unión Europea, preme [aquí](#).

PRÓXIMAS CONVOCATORIAS

Está previsto que, no marco de TECENDO DEREITOS, se leven a cabo 3 convocatorias en total para o financiamento de actividades de defensa, protección e promoción de dereitos a organizacións da sociedade civil. Na segunda convocatoria, prevista para o mes de marzo de 2024, financiaranse iniciativas que contribúan á defensa, a protección e a promoción de dereitos en relación coas seguintes axendas de dereitos:

- Dereito á protección social
- Dereito á xustiza de xénero e diversidade
- Dereito ao emprego digno nun tecido produtivo xusto

Nesta convocatoria tamén se priorizarán os proxectos que traballen dende unha lóxica interseccional con colectivos especialmente afectados polas desigualdades e a discriminación, como mulleres, persoas mozas, persoas migrantes e outros colectivos como persoas LGTBIQ+, persoas con diversidade funcional, minorías etc.

As organizacións que participen en máis dunha convocatoria de TECENDO DEREITOS poderán recibir en total un máximo de 60 000 € de financiamento entre as 3 convocatorias previstas.

CONTACTO

Se tes algunha pregunta, podes poñerte en contacto connosco por medio do seguinte enderezo de correo: financiacion.tejiendoderechos@oxfamintermon.org